



# basic education

Department:  
Basic Education  
**REPUBLIC OF SOUTH AFRICA**

## **SENIOR CERTIFICATE EXAMINATIONS/ NATIONAL SENIOR CERTIFICATE EXAMINATIONS**

**ISINDEBELE ILIMI LOKUTHOMA LOKWENGEZA (FAL)**

**IPHEPHA LOKUTHOMA (P1)**

**2023**

**IMITLOMELO: 80**

**ISIKHATHI: Ama-iri ama-2**

**Iphepheli linamakhasi ali-14.**

## YELELA

1. Iphepheli LINEENGABA EZINTATHU: ISIGABA A, B, kanye NESIGABA-C.  

ISIGABA A: Ukufunda nokuzwisisa	(30)
ISIGABA B: Ukurhunyeza	(10)
ISIGABA C: Izakhi nemithetjhwana yokusetjenziswa kwelimi	(40)
2. Phendula YOKE imibuzo.
3. Thoma isigaba ESINYE NESINYE ekhasini ELITJHA.
4. Thalela ngemva kokuphendula imibuzo YESIGABA NGASINYE.
5. Nombora iimpendulo zakho ngendlela ezononjorwe ngayo ephepheni lemibuzo.
6. Tjhiya umuda OWODWA ngemva kwaleyo naleyo pendulo.
7. Yelela bona upeleda amagama ngendlela efaneleko bewutlole nemitjho ezwakalako.
8. Isikhathi esiphakanyisweko sokutlola ISIGABA NGASINYE:  

ISIGABA A: Imizuzu ema-50	
ISIGABA B: Imizuzu ema-20	
ISIGABA C: Imizuzu ema-50	
9. Tlola kuhle ngesandla esibonakalako.

**ISIGABA A: UKUFUNDA NOKUZWISISA****UMBUZO 1**

Phendula UMBUZO 1.1 kanye NOMBUSO 1.2.

1.1 Fundisisa itheksthi engenzasi bese uphendula imibuzo elandelako.

**ITHEKSTHI A****I-INTHANETHI IYABUSA EPILWENI YANAMHLANJE**

- |   |   |                |
|---|---|----------------|
| 1 | Ipilo seyitjhuguluke khulu nawuyimadanisa nepilo yakade. Amanye wamatjhuguluo kukobana izinto ezinengi nazizakwenziwa zifuna i-inthanethi. I-inthanethi le yasungulwa ziinqhenyana zabantu ezimbadlwana zabososayensi nabonjiniyere. Kusakela ngomnyaka we-1983 kwaba netuthuko kangangokuba abarhubhululi bagcina sebasungule i-inthanethi esetjenziswa namhlanje. Ngomnyaka we-1990 usosayensi wekhomphyutha uTim Berners-Lee wasungula i <i>World Wide Web</i> . Ngiyo eyenza kube lula bona i-inthanethi ifinyelele emphakathini.   | 5              |
| 2 | Sekubonakala-ke bona i-inthanethi sekuyinto engeze sisakghona ukuphila ngaphandle kwayo. I-inthanethi seyingene nakubhajedi emndenini emnengi ngombana umndeni sewuditjha kamnandi nangabe kune inthanethi ekhaya. Lokhu sekubange nokobana isikhathi sokuhlala ndawonye emndenini sidleke ngombana sekubusa abomaliledinini abakhambisana nama- <i>network</i> athileko. Ufunyana umntwana abukele ifilimu kumaliledininakhe, ubaba aqale izehlakalo ezenzeka ephasini nomma azicocela eenkundleni zokuthintana. Amalanga nabu-8 enyangeni ka-Oktoba emnyakeni wee-2021 abantu bahlanganyelwa ziinhloko ngebanga lokobana i-inthanethi ephethe iinkundla zokuthintana yakaMac Zacabeth yonakala. | 10<br>15<br>20 |
| 3 | I- <i>Facebook</i> ethandwa khulu ephasini mazombe yajama tsi. Usonabubulo lo waloba amabhiliyoni wamaranda esehlakalwenesi. UmNyango wezeFundo esiSekelo ukatelela bona iinkolo ngeenkolo zibe ne-inthanethi. Abafundi sebahlala emakhomphyutheni barhubhulule ilwazi mayelana nemisebenzi ebayiphiwe botitjhere eenkolweni. Into ekatelela umNyango wezeFundo esiSekelo bona iinkolo zifumane i-inthanethi kukobana ithungelelwano lemkeyini ( <i>Network</i> ) alikghoni ukubamba kezinye iindawo abafundi abahlala kizo khulukhulu ezisemakhaya nemaplasini. Kunezinye iimfundo ezinjengezoMlando ne- <i>Life Orientation</i> ezikatelela bona abafundi benze irhubhululo ngazo.              | 25<br>30       |

4	UmNyango wemaZikweni aPhakamileko wezeFundo wona sewunesikhatjhana wayilungisa indaba yokwenza izinto <i>online</i> . Abafundi abafuna ukuyokufunda emayunivesithi nemakholiji bebajama umjeje wokuyokubawa iinkhala zokufunda amalanga amathathu woke. Umraro lo walanyulwa ngiyo i-inthanethi kwathiwa abafundi ababawe iinkhala <i>online</i> bebathole neempendulo kiyo. Yabuya yaba lisizo khulu ebafundini kusukela ngoMatjhi emnyakeni wee-2020 lokha nakungayiwa eenkolweni. Amakhamphani wama- <i>network</i> afana nabo- <i>Rain, Telkom</i> azuza khulu ngaleso sikhathi ngombana iinsetjenziswa ezikhambelana ne-inthanethi abafundi bakateleleka bona bazithenge nabasemakhaya. Ababelethi bebalila ezimathosi ngendaba le ngombana ubujamo lobu bebudla ngeenkhwanyeni zabo kanti ngakelinye ihlangothi imali ebayibhadela emaZikweni aPhakemeko wezeFundo azange iphungulwe.	35 40 45
5	EmiNyangweni eminengi kaRhulumende idlala indima ekulu. Kunemininingwana engaphakathi kwemitjhiningqondo etholakala kuphela nakune-inthanethi. Abantu nabanezinto abafuna ukuzenza ema-ofisini womNyango wezeHlalakuhle newezokuThutha kutholakale bona kunomraro nge-inthanethi bayakateleleka bona bajike babuyele emakhaya bangakasizakali. Amabhanga adzimelele khulu ku-inthanethi ngombana nawo imininingwana yababulungi bemali ifumaneka ngayo.	50
6	lindawo zokuphumula ezinjengamahotela nama- <i>Holiday Resorts</i> asebenzisa ubujamo babo be-inthanethi ukuzikhangisa nokudosa iimvakatjhi. Abantu bafuna iindawo ezine- <i>Wifi</i> khulukhulu etholakala simahla ngombana nakuditjhiweko kuthintanwa nabantu abasekhaya bebathunyelwe iinthombe namavidiyo. Koke lokhu kwenziwa ngokusebenzisa iinkundla zokuthintana ezifuna i-inthanethi. Kazi amalunga womndeni amndeni ngokuthintana nokuvakatjhelana. Sadlula kade isikhathi sokobana uthi nawuya endaweni ethileko ukhambе ujama emagaratjhi batjho ubuza indlela. Kwathoma kwasetjenziswa i- <i>Navigator</i> namhlanje isizo lifumaneka kumaliledinini wakho. Abangakghoniko ukuvakatjhelana basebenzisa zona iinkundla zokuthintana ezinjenge- <i>Skype</i> ne- <i>Whatsapp</i> bacoce baqalene ngemehlweni. Koke lokhu kudzimelele phezu kwe-inthanethi.	55 60 65
7	I-inthanethi yenze ipilo yaba lula emphakathini. Umuntu sewuyazikhethela bona uyakufuna ukuya esitolo namkha awa? Nawufuna izambatho uyazi-oda, yigrozara ngiso leso, ziinhlahla nazo ubathinta <i>online</i> bakulethele. Nobuvila nabo buthi ngilapha emindenini, akusaphekwa ngamalanga. Kuneentolo ezithengisa ukudla okuphekelwe futhi. Umuntu ukghona ukufaka i-oda- <i>online</i> ngewebhusayidi kungakapheli nama-iri amabili ezwe ngesithuthuthu sesithi bhrrrrrr! bhrrrrrr! ngaphandle sizokudiliva. Kuyabonakala bona esikhathini esizako umuzi nomuzi kuzokufanela bona ube nayo i-inthanethi ngombana imihlangano eminengi yomsebenzi seyenziwa ngayo. Imindenini nayo seyizokusebenzisa yona lendlela ukulungisa iinkhonkhwani zayo.	70 75

[Ithethwe ku-inthanethi yatjhugululelwa esiNdebeleni]

- 1.1.1 Tlola iinqhenyana EZIMBILI ezasungula i-inthanethi. (2)
- 1.1.2 Veza into eyenziwa babantu abalandelako nge-inthanethi esikhathini sanamhlanje.
- (a) Ubaba (1)
- (b) Umma (1)
- 1.1.3 Ngokurhunyezweko hlathulula okwenzeka ngomnyaka we-1990 nokwaba lisizo emphakathini. (2)
- 1.1.4 Veza okungafaniko mayelana nokukhuluma kwabantu esikhathini sakade nesikhathini sanje. (2)
- 1.1.5 Hlathulula okwenzeka ephasini mazombe amalanga nabu-8 ku-Oktoba okwenza bona abantu bahlanganyelwe ziinhloko. (2)
- 1.1.6 Ucabanga bona ngiziphi ezinye iinkundla zokuthintana ezingakavezwa etheksthini le ezathintekako amalanga nabu-8 ku-Oktoba 2021? Ipendulwakho ayibe maphuzu AMABILI. (2)
- 1.1.7 Ucabanga bona ngikuphi okhunye abafundi abakwenzako nge-inthanethi ngaphandle kokurhubhulula ilwazi? Ipendulwakho ayibe maphuzu AMABILI. (2)
- 1.1.8 Khetha ipendulo enembako kezilandelako.
- NgoMatjhi emnyakeni we-2020 imindenini eminengi besele inabo abomaliledinini kodwana i-inthanethi beyidla ngeenkhwanyeni zababelethi ngombana kufanele:
- A Bathenge amakhomphyutha  
B Bathenge i-*data*  
C Balungise abomaliledinini  
D Base abentwababo esikolweni samakhomphyutha (2)
- 1.1.9 Hlathulula okwenzeka ngoMatjhi emnyakeni we-2020 okwabangela bona abafundi bakateleleke ukufundela emakhaya. (2)
- 1.1.10 Ucabanga bona ngiwuphi umthelela omumbi olethwe yi-inthanethi khulukhulu endabeni yalokha umuntu nakabulunge imali ebhanga? (2)
- 1.1.11 Ngokucabanga kwakho ingabe kusisenzo ESIHLE nofana ESIMBI ukuthumela abantu izinto enizenzako nanikhambileko niye emaholidayini? (2)
- 1.1.12 Tshwaya ngomthelela omumbi olethwa kukuba khona kwe-inthanethi emndenini. (2)

1.2 Qalisisa isithombe esingenzasi bese uphendula imibuzo elandelako.

**ITHEKSTHI B**



[Sithethwe ku-[www.images.com](http://www.images.com)]

- 1.2.1 Hlathulula lokho okwenziwa esithombeni. (1)
- 1.2.2 Sekela isitatimendesi ngephuzu ELILODWA uqalise esithombeni esingehla.  
Abantwaba bakuthabele lokhu abakwenzako. (1)
- 1.2.3 Hlathulula izinto EZIMBILI ezikhombisa bona lokhu okwenzeka esithombeni kwenzeka ehlobo. (2)
- 1.2.4 Nawuqalisisa okwenzeka esithombeneni ingabe lokhu okuvezwe kiso bekungenzeka ngaphambi komnyaka wee-1990 lapha eSewula Afrika? Sekela isiqunto osithathako ngephuzu ELILODWA. (2)

**IMITLOMELO YESIGABA A: 30**

**ISIGABA B: UKURHUNYEZA****UMBUZO 2**

Fundisisa itheksthi engenzasi bese uyayirhunyeza ngamaphuzu ali-7 amayelana **neendlela zokutjheja amehlo.**

**IMIYALO:**

1. Amagama angadluli kwama-60.
2. Nombora imitjhwakho kusukela kewoku-1 bekufike kewe-7.
3. Umutjho NGAMUNYE owutlolako awube nomqondo OWODWA opheleleko.
4. Tlola ngelimi elitsengileko ngombana uzokwabelwa imitlomelo emi-3.
5. Sebenzisa amagamakho, ngendlela ongakghona ngayo ungabuyeleli utlole okusesirhunyezweni.
6. Tlola inani lamagama owasebenzisileko ekupheleni kwesirhunyezo sakho.

**ITHEKSTHI C****IINDLELA ZOKUTJHEJA AMEHLO**

Amevlo asisitho esiqakatheke khulu emzimbeni. Afuna ukutjhejwa ngombana ipilo iba budisi nasele anobulwele. Kazi ipilo yipilo ngokubona. Ukuzitjhayelela uthathe amakhambo uvakatjhele iinhlobo kumnandi kangangani kodwana koke lokho kuyakhinyabezeka nasele ungasaboni kuhle. Abantu sithanda ukwazi bona iphasi lijame njani khulukhulu kibomaliledinini neenrhatjhini ezinjengabomabonakude. Koke lokho sikwenza ngokusizwa mamevlo. Kuqakathekile bona siwatjheje komhlolo amehlo la.

Indlela yokuthoma yokutjheja amehlo kukobana wazi umlando wepilo yomndenakho. Uhlole bona akunamuntu onobulwele betjhukela, bomfutho weengazi eziphezulu nofana okhe watshwenywa mamevlo? Imihlobo le yobulwele iyakuthanda ukusahlela amehlo. Qobe lilanga tjheja bona akunamatshwayo akhombisa amatjhuguluko wendlela obona ngayo. Wazibona sele into eyodwa ibonakala ngathi zimbili nofana kuba budisi ukubona nakunomkhanyo omncani, yazi bona sekunomraro ngamehlwakho. Ilanga nomkhanyo omnengi kuyawalimaza amehlo. Imitjhiningqondo, abomaliledinini namalamba asetjenziswa ngendlini anomkhanyo ongenelela khulu emehlweni. Mbatha amarhalasi avikela amehlo nawusebenzisa izinto ezinomkhanyo omnengi.

Yidla izakhamzimba ezifana neenthelo, imirrorho yombala ohlaza nefesi. Irhubhululo liyaveza bona ifesi inamafutha abizwa nge-*Omega 3* asiza ukulwisana nokwehla kwamandla womzimba. I-*Omega 3* ibuye ibe mavithamini wamevlo. Qobe mnyaka hlahluba amehlwakho kwadorhoda. Lokhu kuzokusiza bona ufumane amarhalasi wamevlo afaneleko nazokusiza bona ubone kuhle. Lisa ukubhema ngombana igwayi liyingozi epilweni yelihlo. Igwayi ngenye yezinto ezibanga bona amehlo abe ne-*catarac* ethikameza ukubona kuhle emehlweni.

Njalo nje nawuphetha iinsetjenziswa zeensimbi ezinjengemitjhini esika iinsimbi, mbatha amarhalasi avikelako. Iingozi zamehlo ezibandakanya umsebenzi ezingenza bona umuntu alahlekelwe kubona kwamehlwakhe unomphela zingavikelwa ngokumbatha amarhalasi aphephisa amehlo. Asiwatjhejeni amehlwethu.

[Ithethwe ku-inthathethi yatjhugululwa esiNdebeleni]

**IMITLOMELO YESIGABA B: 10**



**ISIGABA C: IZAKHI NEMITHETJHWANA YOKUSETJENZISWA KWELIMI****UMBUZO 3: ISIKHANGISO**

Qalisisa isikhangiso esingenzasi bese uphendula imibuzo elandelako.

**ITHEKSTHI D**

**UDINWE KULADELWA ESIKOLWENI BEGODU NOMZIMBA SEWUTHELE NGOKWEQILEKO? TJHAPHULUKA UZITHOLELE IBHAYISIGILA LE EZITHABULULE *BICYCLE COMPANY* ekhambisana nesikhathi ukhohlwe mirarwakho.**

Ungasidosela umtato ku-011 264 0001 nofana uvakatjhele i-Facebook yethu ukuthola iintengo. **Ungadiselwa ziinyawo! Mtjhini ozitjhentjhako lo!**

**Imibandela**

- Ithengiselwa abantu bambaji.
- Ikhamba endleleni eneskontiri kwaphela.
- Uthola isifundo bandulo sokuyisebenzisa mahala.

[Sithethwe ku-[www.images.com](http://www.images.com)]

- 3.1 Ibhayisigila le itholakala kisiphi isitolo? (1)
- 3.2 Veza umbandela OWODWA ongenza bona abantu bawuthabele umkhiqizo lo. (1)
- 3.3 Tlola imihlobo EMIBILI yabantu engathabela ukuthola umkhiqizo lo othengiswako. (2)
- 3.4 Buyelela umutjho olandelako bese, ujamiselela isitjho esithalelweko ngehlathululo yaso. (1)
- Ungadiselwa ziinyawo! Mtjhini ozitjhentjhako lo! (1)

3.5 Khetha ipendulo enembako kilezi ezilandelako:

Ibizo elithi; 'Imirarwakho' libizoqarha elakhiwe nge ...

- A bizo nebizo.
- B senzo nebizo.
- C bizo nenani.
- D bizo nobumnini.

(2)

3.6 Phendula isitatimende esingenzasi ngoLIQINISO nofana AKUSILO IQINISO bese usekela isiqunto osithathako ngephuzu ELILODWA.

Amagama athi; 'Udinwe kuladelwa esikolweni begodu nomzimba sewuthele ngokweqileko?' amumethe umqondo welimi lokunyaza.

(1)


3.7 Tshwaya ngebandlululo elitholakala esikhangiswenesi. Ipendulwakho ayibe liphuzu ELILODWA.

(2)  
[10]

#### UMBUZO 4: IKHATHUNI

Qalisisa ikhathuni engenzasi bese uphendula imibuzo elandelako.

#### ITHEKSTHI E



[Sithethwe ku-[www.images.com](http://www.images.com)]

- 4.1 Tlola OKUKODWA okubonakala etafuleni esekhathunini engehla le. (1)
- 4.2 Hlathulula okwenzeka ekhathunini engehla. Ipendulwakho ayibe maphuzu AMABILI. (2)
- 4.3 Veza bona ubaba osekhatunini uhlobana njani nalaba abaphethe iingidi. (1)
- 4.4 Ucabanga bona asitjelani amaronjwana amathathu aseduze kwukulumo kababa osekhatunini? Ipendulwakho ayibe liphuzu ELILODWA. (1)
- 4.5 Sebenzisa isihlanganisi esifaneleko ukuhlanganisa imitjho elandelako.  
Ngakuthabela khulu ukusebenzela ekhaya. Nje sengidinwe litjhada labentwana. (1)
- 4.6 Buyelela utlole umutjho ongenzasi bese uthalela isenzukuthi.  
Jama tsi Sipho. (1)
- 4.7 Khetha ipendulo enembako kezilandelako.  
Amagama athi; 'Mina angeze ngadlulwa mntazanyana' amumethe umqondo welimi ...  
A lokunyaza.  
B lokubandlulula.  
C lokudlelezela.  
D lokurogela. (1)
- 4.8 Tshwaya ngobungozi obungavelela ubaba lo emsebenzinakhe nange lokhu okwenzeka ekhathunini engehla kungaragela phambili. Ipendulwakho ayibe liphuzu ELILODWA. (2)

**[10]**

**UMBUZO 5**

5.1 Fundisisa itheksthi engenzasi bese uphendula imibuzo elandelako.

**ITHEKSTHI F**

Namhlanjesi lilanga elikhulu kwaJikanelanga ngombana kuyalotjolwa. Imindeni yakha ubuhlobo. Kuvukwe neenkukhu nazezela emthini kwenziwa amalungiselelo. Abantu bendawo bawakhuphe woke amehlo enyameni ngombana umntazana olotjolwako waziwa ngokungadlulwa libhrugu. Ngikho bafuna ukuzibonela isokana elinesibindi esingaka. Phela uNozizwe siphalaphala kanti nejamo lithi ngila. Alo ngiliphi isokana elingeze lafuna ukumenza umkhamanzi walo? Lithe naliphakamako bavela abakhongi baraga amagagadlha weenkomo ezilisumi nambili. Bezingasiyo imigorhwana, bezinonile ziphazima. Lokhu kutjengisa bona uMhleka uzimisele. Kwamambala uJikanelanga uyindoda emadodeni ngombana indoda yikomo. Abondabazabantu babamba ongenzasi kwazaliseka elithi ithando ngelabantu ababili wesithathu yihlanganisa. Kuthe naliyozilahla kunina, indaba yabe sele iseenkundleni zokuthintana bona uHleziphi uvunulisiwe akasazokuba litatawu lamasokana.

- 5.1.1 Buyelela utlole umutjho ongenzasi uveze ukulandula.  
Imindeni yakha ubuhlobo. (1)
- 5.1.2 Tlola igama eliphikisana naleli elithalelweko emutjhwani ongenzasi.  
Umntazana olotjolwako waziwa ngokungadlulwa libhrugu. (1)
- 5.1.3 Khulisa igama elithalelweko emutjhwani ongenzasi.  
Namhlanjesi lilanga elikhulu kwaJikanelanga. (1)
- 5.1.4 Tjhugulula umutjho olandelako ube sebunyeni.  
Bezingasiyo imigorhwana, bezinonile ziphazima. (2)
- 5.1.5 Buyelela utlole umutjho olandelako kodwana uthome ngegama elithalelweko.  
UMhleka ulobola uNozizwe ngamagagadlha weenkomo. (2)
- 5.1.6 Buyelela utlole umutjho ongenzasi bese ujamiselela igama elithalelweko ngesabizwana senani.  
lintombi zazizibuza ziziphendula bona ulotjolwa njani angakaziphathi kuhle nje. (1)

5.1.7 Khetha ipendulo enembako kilezi ezilandelako:

Ikulumo ethi abondabazabantu babamba ongenzasi isi ...

- A saga.
- B fenqo.
- C sandiso.
- D sitjho.

(1)

5.1.8 Buyelela utlole umutjho ongenzasi ujamiselele ibinzana elithalelweko ngehlathululo yalo.

linkukhu nazezela emthini kwenziwa amalungiselelo.

(1)

5.1.9 Thatha igama elithalelweko emutjhweni ongenzasi ulisebenzise emutjhweni ozakhele wona kuvele enye ihlathululo ehlukeleko kile esetheksthini.

Ngikho bafuna ukuzibonela bona ngubani isokana elinesibindi esingaka.

(2)

5.1.10 Tjhugulula ikulumo ongenzasi ibe yikulumo engakanqophi.

Abomakhelana bathi, 'Sifuna ukubona bonyana kwamambala niyathandana.'

(2)

5.2 Qalisisa isithombe esingenzasi bese uphendula imibuzo elandelako.

### ITHEKSTHI G

Ifundo ibudisi ifuna umntwana akhuthalele umsebenzakhe begodu abe nethando lokusebenza nabanye. Ngaleyo ndlela angagcina aphumelela ngamalengiso.



Yiba mngani neencwadi zakho.

[Sithethwe ku-[www. images.com](http://www.images.com)]

- 5.2.1 Buyelela utlole umutjho ongenzasi bese unciphisa igama elithalelweko.  
Ifundo ibudisi ifuna umntwana akhuthale. (1)
- 5.2.2 Khupha umenziwa emutjhweni ongenzasi.  
Abangani batlola imisebenzabo ndawonye. (1)
- 5.2.3 Buyelela utlole umutjho ongenzasi kodwana ube sesikhathini esizako.  
Abangani laba basafunda iimBalo zegreyidi le-10. (1)
- 5.2.4 Jamiselela ibizo elithalelweko ngesabizwana samambala.  
Ithando lokufunda liletha ilwazi elingeneleleko. (1)
- 5.2.5 Thatha igama elithalelweko emutjhweni ongenzasi ulitjhugulule libe libizomuntu bese ulisebenzisa emutjhweni ozakhele wona.  
Ifundo ibudisi ifuna umntwana akhuthalele umsebenzakhe. (2)

**IMITLOMELO YESIGABA C: 40**  
**INANI LOKE: 80**